


增壹阿含經

第一

二百六十六  
蘭一

49412



增壹阿含經卷第一序

釋道安作

四阿含義同中阿含首以明其旨不復重序也增壹阿含者此法條貫以數相次也數終十令加其一故曰增一也且數數皆增以增為義也其為法也夕錄禁律繩墨切厲乃度

世檢括也外國巖岫之士江海之人於四阿含多詠味茲焉有外國沙門曇摩難提者兜佉勒國人也齧亂出家孰與廣聞誦二阿含溫故日新周行諸國無土不涉以秦建元二十年來詣長安外國鄉人咸皆善之武威太守趙文業求令出焉佛念譯傳曇嵩筆受歲





在甲申夏乃至來年春乃訖爲四十一卷分  
爲上下部上部二十六卷全無遺忘下部十  
五卷失其錄偈也余與法和共考正之僧略  
僧茂助校漏失四十日乃了此年有阿城之  
役伐鼓近郊而正尊在斯業之中全具二阿  
含一百卷鞞婆沙婆和俱蜜僧伽羅刹傳此  
五大經自法東流出經之優者也四阿含四  
十應真之所集也十人撰一部題其起盡爲  
錄偈焉懼法留世久遺逸散落也斯土前出  
諸經班班有其中者今爲二阿含各爲新錄  
一卷全其故目注其得失使見經尋之差易  
也合上下部四百七十二經凡諸學士撰此

二阿含其中往往有律語外國不通與沙彌  
白衣共視也而已後幸共護之使與律同此  
乃茲邦之急者也斯諄諄之誨幸勿藐藐聽  
也廣見而不知護禁乃是學士通中創也中  
本起康孟祥出出大愛道品乃不知是禁經  
比丘尼法堪慊切真割而去之此乃是大鄙  
可痛恨者也此二經有方道士乃能見當以  
著心焉如其輕忽不以爲意者幸我同志鳴  
鼓攻之可也

增壹阿含序品第一

前秦建元年三歲

曇摩難提 譯

自歸能仁第七仙

演說賢聖無上軌



永在生死長流河  
尊長迦葉及聖衆  
善逝泥曰供舍利  
迦葉端思行四等  
正覺演道今去世  
迦葉思惟正法本  
最尊種種吐言教  
誰有此力集衆法  
今此衆中智慧士  
即擊捷搥集四部  
盡得羅漢心解脫  
迦葉哀愍於世故

世尊今爲度黎庶  
賢哲阿難無量聞  
從拘夷國至摩竭  
此衆生類墜五道  
憶尊巧訓懷悲泣  
云何流布久在世  
揔持懷抱不漏失  
在在處處因緣本  
阿難賢哲無量聞  
比丘八万四千衆  
已脫縛著處福田  
加憶尊恩過去報

世尊授法付阿難  
云何次第不失緒  
使後四部得聞法  
阿難便辭吾不堪  
豈敢分別如來教  
今尊迦葉能堪任  
大迦葉今為衆人  
迦葉報言雖有是  
汝今揔持智慧業  
我今有三清淨眼  
一切衆生種種類  
梵天下降及帝釋

願布演法長在世  
三阿僧祇集法寶  
已聞便得離衆苦  
諸法甚深若干種  
佛法功德無量智  
世雄以法付耆舊  
如來在世請半座  
年衰朽老多忘失  
能使法本恒在世  
亦復能知他心智  
無有能勝尊阿難  
護世四王及諸天



彌勒兜術尋來集  
彌勒梵釋及四王  
一切諸法佛所印  
若使不欲法存者  
願存本要為衆生  
釋師出世壽極短  
當今法本不斷絕  
迦葉最尊及聖衆  
哀請阿難時發言  
阿難仁和四等具  
願眴四部瞻虛空  
便奮光明和顏色

菩薩數億不可計  
皆悉叉手而啓白  
阿難是我法之器  
便為壞敗如來教  
得濟危厄度衆難  
肉體雖逝法身在  
阿難勿辭時說法  
彌勒梵釋及四王  
使如來教不滅盡  
意轉入微師子吼  
悲泣揮淚不自勝  
普照衆生如日初



彌勒觀光及釋梵  
四部寂靜專一心  
尊長迦葉及聖衆  
時阿難說經無量  
我今當爲作三分  
契經一分律二分  
過去三佛皆三分  
契經今當分四段  
三名曰長多瓔珞  
尊者阿難作是念  
永存於世不斷絕  
或有一法義亦深

收拾遲聞無上法  
欲得聞法意不亂  
直視觀顏目不眴  
誰能備具爲一聚  
造立十經爲一偈  
阿毗曇經爲三分  
契經律法爲三藏  
先名增一二名中  
雜經在後爲四分  
如來法身不敗壞  
天人得聞成道果  
難持難誦不可憶

我今當集此法義  
亦有二法還就二  
四法就四五亦然  
八法義廣九次第  
如是法寶終不忘  
於大眾中集此法  
彌勒稱善快哉說  
更有諸法宜分部  
菩薩發意趣大乘  
人尊說六度無極  
禪智慧力如月初  
諸有勇猛施頭目

一一相從不失緒  
三法就三如連珠  
五法次六六次七  
十法從十至十一  
亦恒處世久存在  
即時阿難昇于座  
諸法義合宜配之  
世尊所說各各異  
如來說此種種別  
布施持戒忍精進  
還度無極觀諸法  
身體血肉無所惜



妻妾國財及男女  
戒度無極如金剛  
持心護戒如坏瓶  
或有人來截手足  
如海含容無增減  
諸有造作善惡行  
妨人諸行不至道  
諸有坐禪出入息  
正使地動身不傾  
以智慧力知塵數  
書疏數業意不亂  
諸法甚深論空理

此名檀度不應弃  
不毀不犯無漏失  
此名戒度不應弃  
不起瞋恚忍力強  
此名忍度不應弃  
身口意三無馱足  
此名進度不應弃  
心意堅固無亂念  
此名禪度不應弃  
劫數兆載不可稱  
此名智度不應弃  
難明難了不可觀

將來後進懷狐疑  
阿難自陳有是念  
除諸羅漢信解脫  
四部之衆發道意  
彼有牢信不狐疑  
彌勒稱善快哉說  
或有諸法斷結使  
阿難說曰此云何  
亦有不從如來聞  
設我言見此義非  
今稱諸經聞如是  
波羅柰國初說法

此菩薩德不應弃  
菩薩之行愚不信  
尔乃有信無猶豫  
及諸一切衆生類  
集此諸法爲一分  
發趣大乘意甚廣  
或有諸法成道果  
我見如來演此法  
此法豈非當有疑  
於將來衆便有虛  
佛處所在城國土  
摩竭國降三迦葉



釋翅拘薩迦尸國

天宮龍宮阿須倫

正使不得說經處

吾所從聞一時事

祇洹精舍修善業

時佛在中告比丘

思惟一法無放逸

法念僧念及戒念

息念安般及身念

此名十念更有十

初化拘隣真佛子

以此方便了一法

瞻波拘留毗舍離

軋沓和等拘尸城

當稱原本在舍衛

佛在舍衛及弟子

孤獨長者所施園

當修一法專一心

云何一法謂念佛

施念去想次天念

死念除亂謂十念

次後當稱尊弟子

最後小者名須拔

二從二法三從三

四五六七八九十  
從一增一至諸法  
一一契經義亦深  
今尋一法難明了  
比丘自稱功德業  
猶如陶家所造器  
如是阿含增一法  
佛經微妙極甚深  
然此增一最在上  
其有專心持增一  
正使今身不盡結  
若有書寫經卷者

十一之法無不了  
義豐慧廣不可盡  
是故名曰增一含  
難持難曉不可明  
今當稱之尊弟子  
隨意所作無狐疑  
三乘教化無差別  
能除結使如流河  
能淨二眼除三垢  
便為揔持如來藏  
後生便得高才智  
繒綵華蓋持供養



此福無量不可計  
說此語時地大動  
諸天在空歎善哉  
契經一藏律二藏  
方等大乘義玄邃  
安處佛語終不異

以此法寶難遇故  
雨天香華至于膝  
上尊所說盡順義  
阿毗曇經為三藏  
及諸契經為雜藏  
因緣本末皆隨順

彌勒諸天皆稱善  
彌勒尋起手執華  
此經真實如來說

釋迦文經得久存  
歡喜持用散阿難  
使阿難尋道果成

是時尊者阿難及梵天將諸梵迦夷天皆來  
會集化自在天將諸營從皆來會聚他化自  
在天將諸營從皆悉來會兜術天王將諸兜

術諸天之衆皆來會聚。豔天將諸營從悉來會聚。釋提桓因將諸三十三天皆來會聚。提地賴吒天王將軋沓和等悉來會聚。毗留勒王將諸魔鬼悉來會聚。毗留波叉大龍王將諸龍衆悉來會聚。毗舍羅門王將閼叉羅刹衆悉來會聚。是時彌勒大士告賢劫中諸菩薩等。卿等勸勵諸族姓子族姓女。諷誦受持增一尊法。廣演流布。使天人奉行。說是語時。諸天世人。軋沓和。阿須倫。迦流羅。摩休勒。甄陀羅等。各各自言。我等盡共擁護。是善男子。善女人。諷誦受持。增一尊法。廣演流布。終不中絕。時尊者阿難告優多羅曰。我今以此增一



阿含囑累汝善諷誦讀莫令漏減所以者何其有輕慢此尊經者便為墮落為凡夫行何以故此優多羅增一阿含出三十七道品之教及諸法皆由此生時大迦葉問阿難曰云何阿難增一阿含乃能出生三十七道品之教及諸法皆由此生阿難報言如是如是尊者迦葉增一阿含出生三十七品及諸法皆由此生且置增一阿含一偈之中便出生三十七品及諸法迦葉問言何等偈中出生三十七品及諸法時尊者阿難便說此偈  
諸惡莫作 諸善奉行 自淨其意 是諸佛教  
所以然者諸惡莫作是諸法本便出生一切

善法以生善法心意清淨是故迦葉諸佛出  
尊身口意行常修清淨迦葉問曰云何阿難  
增一阿含獨出生三十七品及諸法餘四阿  
含亦復出生乎阿難報言且置迦葉四阿含  
義一偈之中盡具足諸佛之教及辟支佛聲  
聞之教所以然者諸惡莫作戒具足禁清白  
之行諸善奉行心意清淨自淨其意除邪顛  
倒是諸佛教去愚感想云何迦葉戒清淨者  
意豈不淨乎意清淨者則無顛倒以無顛倒  
愚感想滅諸三十七道品之果便得成就已  
成道果豈非諸法乎迦葉問曰云何阿難以  
此增一付授優多羅不囑累餘比丘一切諸



法乎阿難報言增一阿含則是諸法諸法則是增一阿含一無有二迦葉問曰以何等故以此增一阿含囑累優多羅不囑累餘比丘乎阿難報曰迦葉當知昔者九十一劫毗婆尸如來至真等正覺出現於世爾時此優多羅比丘名曰伊具憂多羅爾時彼佛以增一之法囑累此人使諷誦讀自此已後三十一劫次復有佛名式誥如來至真等正覺爾時此優多羅比丘名目伽優多羅式誥如來復以此法囑累其人使諷誦讀即彼三十一劫中毗舍羅婆如來至真等正覺復出於世爾時此優多羅比丘名龍優多羅復以此法囑

累其人使諷誦讀迦葉當知此賢劫中有拘  
留孫如來至真等正覺出現於世爾時優多  
羅比丘名雷電優多羅復以此法囑累其人  
使諷誦讀此賢劫中次復有佛名拘那含牟  
尼如來至真等正覺出現於世爾時優多羅  
比丘名天優多羅復以此法囑累其人使諷  
誦讀此賢劫中次復有佛名迦葉如來至真  
等正覺出現於世爾時優多羅比丘名梵優  
多羅復以此法囑累其人使諷誦讀迦葉當  
知今釋迦文如來至真等正覺出現於世今  
此比丘名優多羅釋迦文佛雖般涅槃比丘  
阿難猶存於世世尊以法盡囑累我我今復



以此法授與優多羅所以者何當觀其器察  
知原本然後授法何以故過去世時於此賢  
劫中拘留孫如來至真等正覺明行成爲善  
逝世間解無上士道法御天人師号佛衆祐  
出現於世尔時有王名摩訶提婆以法治化  
未曾阿曲壽命極長端正無雙世之希有八  
万四千歲中於童子身而自遊戲八万四千  
歲中以太子身以法治化八万四千歲中復  
以王法治化天下迦葉當知尔時世尊遊甘  
黎園中食後如昔當法中庭經行我及侍者  
尔時世尊便笑口山五色光我見已前長跪  
白世尊曰佛不妄笑願聞本末如來至真等

正覺終不妄笑。今時迦葉佛告我言：過去世時於此賢劫中有如來名拘留孫等。正覺出現於世，復於此處爲諸弟子而廣說法。復次於此賢劫中復有拘那含牟尼如來至真等。正覺出現於世，今時彼佛亦於此處而廣說法。次復此賢劫中迦葉如來至真等。正覺出現於世，迦葉如來亦於此處而廣說法。今時迦葉我於佛前長跪白佛言：願令釋迦文佛亦於此處與諸弟子具足說法。此處便爲四如來金剛之座，恒不斷絕。今時迦葉釋迦文佛即於彼坐，便告我言：阿難，昔者此座賢劫之中有王出世，名摩訶提婆，乃至八万四千歲。以王



法教化訓之以德經歷年數便告劫比言若  
見我首有白髮者便時告吾尔時彼人聞王  
教令復經數年見王首上有白髮生便前長  
跪白大王曰大王當知首上已生白髮時王  
告彼人言提取金鑷拔吾白髮著吾手中尔  
時彼人受王教令便執金鑷前拔白髮尔時  
大王見白髮已說偈曰  
於今我首上 已生衰耗毛  
宜當時出家 天使已來至

我今已食人中之福宜當自勉昇天之德制  
除鬚髮著三法衣以信堅固出家學道離於  
衆苦尔時王摩訶提婆便告第一太子名曰

長壽卿今知不吾首以生白髮意欲剃除髮  
髮著三法衣以信堅固出家學道離於衆苦  
汝紹吾位以法治化勿令有失違吾言教造  
凡夫行所以然者若有斯人違吾言者便爲  
凡夫之行夫凡夫者長處三塗八難之中介  
時王摩訶提婆以王之位授太子已復以財  
寶賜與劫比便於彼處剃除鬚髮著三法衣  
以信堅固出家學道離於衆苦於八万四千  
歲善修梵行行四等心慈悲喜護身逝命終  
生梵天上時長壽王憶父王教未曾暫捨以  
法治化無有阿曲未經旬日便復得作轉輪  
聖王七寶具足所謂七寶者輪寶象寶馬寶



珠寶王女寶典藏寶典兵寶是謂七寶復有  
千子勇猛智慧能除衆苦統領四方時長壽  
王以前王法如上作偈

於今我首上 已生衰耗毛 天使已來至  
宜當時出家

我今已食人中之福宜當自勉昇天之德剃

除鬚髮著三法衣以信堅固出家學道離於  
衆苦時長壽王告第一太子善觀曰卿今知  
不吾已首上生白髮意欲剃除鬚髮著三法  
衣以信堅固出家學道離於衆苦汝紹吾位  
以法治化勿令有失違吾言教造凡夫行所  
以然者若有斯人違吾言者爲凡夫之行夫

凡夫者長處三塗八難之中時王長壽八萬  
四千歲善修梵行行四等心慈悲喜護身逝  
命終生梵天上時王善觀憶父王教未曾暫  
捨以法治化無有阿曲迦葉知不尔時摩訶  
提婆豈異人乎莫作是觀尔時王者今釋迦  
文是時長壽王者今阿難身是尔時善觀者  
今優多羅比丘是恒受王法未曾捨忘亦不  
斷絕時善觀王復興父王勅以法治化不斷  
王教所以然者以父王教難得違故尔時尊  
者阿難便說偈曰

敬法奉所尊 不忘本恩報 復能崇三業  
智者之所貴



我觀此義已以此增一阿含授與優多羅比丘何以故一切諸法皆有所由時尊者阿難告優多羅曰汝前作轉輪聖王時不失王教今復以此法而相囑累不失正教莫作凡夫之行汝今當知若有違失如來善教者便墮凡夫地中何以故時王摩訶提婆不得至竟解脫之地未得解脫至安隱處雖受梵天福報猶不至究竟如來善業乃名究竟安隱之處快樂無極天人所敬必得涅槃以是之故優多羅當奉持此法諷誦讀念莫令缺漏此時阿難便說偈言

於法當念故 如來由是生 法興成正覺

辟支羅漢道 法能除衆苦 亦能成果實  
念法不離心 今報後亦受 若欲成佛者  
猶如釋迦文 受持三藏法 句逗不錯亂  
三藏雖難得 義理不可窮 當誦四阿含  
便斷天人徑 阿含雖難誦 經義不可盡  
戒律勿令失 此是如來寶 禁律亦難持  
阿含亦復然 牢持阿毗曇 便降外道術  
宣暢阿毗曇 其義亦難持 當誦三阿含  
不失經句逗 契經阿毗曇 戒律流布出  
便生安隱處 天人得奉行 設無契經法  
亦復無戒律 如盲投於冥 何時當見明  
以是囑累汝 并及四部衆 當持勿輕慢



於釋迦文尼

尊者阿難說是語時天地六反震動諸尊神  
天在虛空中手執天華而散尊者阿難上及  
散四部之衆一切天龍鬼神輒沓和阿須倫  
迦留羅甄陀羅摩休勒等皆懷歡喜而悉歎  
曰善哉善哉尊者阿難上中下言悉無不善  
於法當恭敬誠如所說諸天世人無不從法  
而得成就若有行惡便墮地獄餓鬼畜生  
時尊者阿難於四部衆中而師子吼勸一切  
人奉行此法尔時座上三万天人得法眼淨  
尔時四部之衆諸天世人聞尊者所說歡喜  
奉行

增一阿含十念品第二

聞如是一時佛在舍衛國祇樹給孤獨園。爾時世尊告諸比丘當修行一法當廣布一法。便成神通去衆亂想。逮沙門果自致涅槃云。何爲一法。所謂念佛。當善修行。當廣演布。便成神通去衆亂想。逮沙門果自致涅槃。是故諸比丘當修行一法當廣布一法。如是諸比丘當作是學。爾時諸比丘聞佛所說歡喜奉行。聞如是一時佛在舍衛國祇樹給孤獨園。爾時世尊告諸比丘當修行一法當廣布一法。便成神通去衆亂想。獲沙門果自致涅槃云。何爲一法。所謂念法。當善修行。當廣演布。便



成神通除衆亂想逮沙門果自致涅槃是故  
諸比丘當修行一法當廣布一法如是諸比丘  
當作是學尔時諸比丘聞佛所說歡喜奉行  
聞如是一時佛在舍衛國祇樹給孤獨園尔  
時世尊告諸比丘當修行一法當廣布一法  
便成神通除衆亂想逮沙門果自致涅槃去  
何爲一法所謂念衆當善修行當廣演布便  
成神通除衆亂想逮沙門果自致涅槃是故  
諸比丘當修行一法當廣布一法如是諸比  
丘當作是學是時諸比丘聞佛所說歡喜奉行  
聞如是一時佛在舍衛國祇樹給孤獨園尔  
時世尊告諸比丘當修行一法當廣布一法

便成神通去衆亂想逮沙門果自致涅槃去  
何爲一法所謂念戒當善修行當廣演布便  
成神通除衆亂想逮沙門果自致涅槃是故  
諸比丘當修行一法當廣布一法如是諸比丘  
當作是學今時諸比丘聞佛所說歡喜奉行  
聞如是一時佛在舍衛國祇樹給孤獨園今  
時世尊告諸比丘當修行一法當廣布一法  
便成神通除衆亂想獲沙門果自致涅槃去  
何爲一法所謂念施當善修行當廣演布便  
成神通除衆亂想獲沙門果自致涅槃是故  
諸比丘當修行一法當廣布一法如是諸比丘  
當作是學今時諸比丘聞佛所說歡喜奉行



聞如是一時佛在舍衛國祇樹給孤獨園尔  
時世尊告諸比丘當修行一法當廣布一法  
便成神通除諸亂想獲沙門果自致涅槃去  
何爲一法所謂念天當善修行當廣演布便  
成神通去諸亂想獲沙門果自致涅槃是故  
諸比丘當修行一法當廣布一法如是諸比  
丘當作是學尔時諸比丘聞佛所說歡喜奉行  
聞如是一時佛在舍衛國祇樹給孤獨園尔  
時世尊告諸比丘當修行一法當廣布一法  
便成神通除諸亂想獲沙門果自致涅槃去  
何爲一法所謂念天當善修行當廣演布  
便成神通去諸亂想得沙門果自致涅槃是

故諸比丘當修行一法當廣布一法如是諸  
比丘當作是學尔時諸比丘聞佛所說歡喜  
奉行

聞如是一時佛在舍衛國祇樹給孤獨園尔  
時世尊告諸比丘當修行一法當廣布一法  
便成神通除諸亂想獲沙門果自致涅槃云  
何爲一法所謂念安般當善修行當廣演布  
便成神通去諸亂想得沙門果自致涅槃是  
故諸比丘當修行一法當廣布一法如是諸  
比丘當作是學尔時諸比丘聞佛所說歡喜  
奉行

聞如是一時佛在舍衛國祇樹給孤獨園尔



時世尊告諸比丘當修行一法當廣布一法  
便成神通除諸亂想獲沙門果自致涅槃云  
何爲一法所謂念身非常當善修行當廣演  
布便成神通去衆亂想得沙門果自致涅槃  
是故諸比丘當修行一法當廣布一法如是  
諸比丘當作是學尔時諸比丘聞佛所說歡

喜奉行

聞如是一時佛在舍衛國祇樹給孤獨園尔  
時世尊告諸比丘當修行一法當廣布一法  
便成神通除諸亂想獲沙門果自致涅槃云  
何爲一法所謂念死當善修行當廣演布便  
成神通去衆亂想得沙門果自致涅槃是故

諸比丘當修行一法當廣布一法如是諸比丘  
 當作是學尔時諸比丘聞佛所說歡喜奉行  
 佛法聖眾念 戒施及天念 休息安般念  
 身死念在後

增一阿含經卷第

蘭

厲音例檢括下古瓊上法下丘齧上齧下昌謹

反齧謂小兒長髮之鞞上步撰床選反邽

主音諄主春蕘苗角創昌狀反慊上可點反

鄙碑美反泥下音越亦捷上音者下直

軌俱水反法也西土無鐘聲處此緒音序端

戎正翻言捷稚直反緒音序端者渠夷



老之願所視也音麵奮方問反眴詩閏反坏瓶

上瓦器未燒反狐疑多上音胡似狗而羅捺反下奴代

釋翅反下施名智軋沓下唐合反別陶家燒瓦之挑

家也玄邃深遠也遂反豔字同魔鬼

上睡魔也閱又上音悅亦勸勵下音甄陔

真上音式詰名別去尸棄焉左輒反拔反

出也衰耗正所作耄莫報反年八下勉音免

至字古用經暫暫同句逗下音

